

„ARUBAANSE COURANT“  
diariamente cu excepcion di  
diadomingo  
subscription 1.325 pa luna  
edicion los 20 ct.

edita pa:  
N.V. Arubaanse Drukkerij- en  
Uitgevers- en Publiciteits Mij.  
Nassaustraat 85 O'stad Aruba N.A.

imprimi na:  
N.V. Drukkerij „De Stad“  
Theaterstraat 11, Willemstad Curacao  
Telefoon 1116 Directiva y redaccion.  
2116 Anuncio y subscription.  
Directeur hoofdredacteur: D. Wolff.

# ARUBAANSE COURANT



Diario pa



Aruba



SWIFT

PORKHAM-JAMONADA  
Prepara segun un proceso  
especial.

Un delicatessen ariba  
sandwich.

Agentes: **Wimco**

No. 4726

Anja 24

DIAMARS 27 DI AGOSTO 1963



## NA LUGAR DI 24 DI OCTOBER...AWOR 26 DI SEPTEMBER

**RON REY DE COPAS** ta participa na su clientela en particular y na e publico en general, cu pa motibo di e ley nobo di gobierno en conexion cu asunto di loteria, e fecha nobo pa e sorteo di su grandioso concurso ta stipula awor pa

### DIA 26 DI SEPTEMBER 1963

Pues mas tempran cambia bo boternan y tapanan di **REY DE COPAS** mas pronto posibel, pa bo no keda atras den e grandioso concurso aki, organisa pa **RON REY DE COPAS**, e ron mas bebi na Aruba.

E PREMIONAN TA:

TRES AUTO FIAT, Y 20 PREMIOS NA UN SUMA TOTAL DI f 13.500,—

PA MAS CALIDAD Y MAS PREMIOS.

## RON REY DE COPAS

ARUBA DISTILLING COMPANY

Wilhelminasraal 47

Oranjestad

Telefon 1266



## Oe Thant ta optimista tocante situacion internacional

**NEW YORK, 27 aug.** — Secretario general di Nacionnan, Oe Thant, ayera a haci un yamamentu na tur paisnan di mundu pa firma acuerdo pa stap pruebanan nuclear parcialmente. Oe Thant a haci esaki prome cu e cuminsa su rapport anual. Situacion internacional a mehora y Nacionnan Uni a bira mas fuerte door di e desarollonan den e ultimo anja, asina e ta scribi.

E problema mas importante di nos tempu ta keda un desarme completo. En conexion cu esey e acuerdo logra y e comunicacion directo entre Wa-

shington y Moscu ta di gran importancia. E secretario general a muestra riba e balor di Nacionnan Uni. como un oportunidad pa un comprension entre estadonan cu tin conflicto cu otro y el a tuma como ejemplo e crisis Cubano na luna di oktober di anja pasa y e entrega pacifico di West Irian na Indonesia door di Hulanda.

Situacion na Kongo a mehora considerablemente e anja aki na e mandato di Nacionnan Uni a worde cumpli pa gran parti, especialmente den punto di bista militar. Oe Thant ta bisa cu e ta di opinion cu tempu a yega pa un retiro rapido di e trupanan di Nacionnan Uni na Kongo.

E situacion financiera di e organizacion a keda grave den e ultimo anja, a consecuencia cu algun pais no a pasa nan contribucion di anja pasa pa e operacionnan na Kongo y Mediano Oriente.

### Sur Africa

E secretario gernal ta bisa cu e situacion na Sur Africa ta un fuente di preocupacion y e ta haci un peticion riba e pais ey y po bandona su politica di apartheid. Portugal tambe a ninga di coopera cu Nacionnan Uni of ehecuta nan decisionnan den e territorionan na Africa.

Den su ultimo rapport Oe Thant tabata papia di un crisis di confianza cu tabata amenasa Nacionnan Uni door di afiliacion di hopi pais Asiatico y Africano nobo. Ayera un anja despues mi ta sinti cu mi por bisa sin optimismo cu e crisis aki a worde solucionada pa un mayoria parti, asina el a bisa.

### Rusonan ta laga piscadonan Hapones liber

**TOKIO, 27 agos.** — Gobierno Ruso a dicidi pa manda e piscadonan Hapones cu nan tin actualmente na Union Sovietica bek pa nan pais. E embahador na Tokio a laga sa esaki awe ne ministerio Hapones di asuntunan exterior. Segun e ministerio aki ta trata di 117 Hapones cu e Rusonan a acusa, di a viola awanan territorial Ruso na noord di e isla Hokkaido.



### COMPETITIE A.V.B.

Avonochi pa 7.30 den WILHELMINA STADION

ESTRELLA vs. ARUBA JRS.  
(Hoofdklasse)

Tribuna cu dak f 1,—

Tribuna sin dak f 0,50

## DIADOMINGO BEURSAALNAN A DESPEDI DI ARUBA

**ORANJESTAD, 27 aug.** — Diadomingo mainta a tuma lugar den Centro Cultural medio jena e reunion di despedida di e beursaalnan organisa pa Servicio di Informacion. Apesar cu e interes tabata menos cu den anjanan pasa, tur hende a

elogia e calidad di e programa.

E reunion cu a ser presencia pa diferente autoridad di gobierno, a worde habri pa senor N.A. Piña, jefe di e servicio di informacion, cu a perea pa e organizacion.

Despues di su palabra di bienvenida tabata diputado G. A. Oduber di enseñanza, cu a subi podium y a dirigi su mes cu un discurso cordial y alavez avisador pa e hobennan cu pronto lo sali pa Hulanda. Den e mesun sentido pero un poco mas practico, tambe senor J. A. Booi Jr. a papia despues di pausa. E hoben ambienar aki, cu a regresa poco tempu pasa for di Hulanda, despues di a termina aja su studiondracht, especialmente a papia riba e problemanan di adaptacion di e studiantenan Antillano na Hulanda pa un momento menos serio di e programa a perea despues, senor Hubert Booi, cu a presenta su „E Ultimo Caribe“, e Trio Hunsteca y e Trio Los Romaneros, senor Camille E. Bailly, cu mecos cu senorita Mildred Croes a declara, senor Rulo Odor cu a worde acompaña pa sr.a. Gerda Tuijehut na piano den algun cancion y pa termina Padu del Caribe cu a presenta acompaña pa e baskista Wilfred Broadbelt y Elio Weaver na raspa, e.o. su propio composicion



FRESCURA DI MENTOL  
SABOR RICO DI TABACO  
FILTER MODERNO

FATUM — Tel.: 1845  
pa tur bo aseguran

„Despedida“. E anochi a keda clausura cu cantamentu conhunto di „Aruba Dushi Terra“ pa tur e presentenan.

## Exitoso acto Cultural den Club Bonaireano

Directiva di sociedad „Union Mutualista Bonaireano“ a organisa un anochi Cultural cu a tuma lugar den Club Bonaireano na San Nicolas, diavie na anochi 23 di agosto u.p. E interesante acto aqui a ser presencia pa mas di 200 miembro di e sociedad y Bonaireanonan residencia aqui na Aruba. Maestro di ceremonia tabata Sr. John Hart, kende a cumpli cu su tarea cu masha elegancia. E programa tabata consisti di e siguiente puntonan: Pelicula: Lectura tocante e Importancia di Enseñanza, cual tabata na encargo di Sr. A.J. Booi. Palabranan di Presidente di sociedad „Union Mutualista Bonaireano, Sr. Moises Sint Jago.

E pelicula „Ritz di Felicidad“ a bota masha interesante y aki e presentenan por a mira cu aunque un famia ta pover, toch nan por ta feliz, y aunque nan no ta poses tur e facilidatnan cu bida ta ofresa, toch nan por cria nan yunan den un ambiente sano. Aki nos por a mira tambe e bon chempel y cooperacion entre e miembronan di e famia.

E punto, nos por bisa culminante, tabata e lectura di Sr. A. J. Booi.

Nos a aprecia tambe cu e tanto atencion e presentenan a presta palabranan di Sr. Booi. Entre otro Sr. Booi a bisa cu na su opinion aki na Antillanan, schoolnan mester duna mas atencion na e formacion di e individuo como persona. Tur cos ta masha bon pero importante ta tambe e formacion como persona.

Tocante e studiantenan Antillano na Hulanda Sr. Booi ta opina cu e sakinan hopi bez tin masha libertad, cu otro palabra, nan ta muchu ariba nan mes y esaki ta motibu cu hobi bez nan no ta haci bon uso di e estudio. Tambe, segun Sr. Booi, e mayornan aki na Antillas ta manda muchu zakgeld. No cu esaki no ta bon, pero por duna e estudiante ocasion pa usa e placa na cos cu por ta contra su esudio. Cu un aplauso e presentenan a muestra nan aprecio pa e palabranan di Sr. Booi.

Despues di Sr. A. J. Booi, Sr. Moises Sint Jago president di Union Mutualista Bonaireano a tuma palabra p'e duna un explicacion tocante e necesidad di actonnan cultural Sr. Sint Jago ta expresa su alegria di mira

tantu miembro y Bonaireano cu ta presente na e acto aki. Ta intencion di e directiva di sigui organisa actonnan asina y Sr. Sint Jago ta declara cu nos sociedad lo graba e fecha 23 di agosto 1963, cu letternan di oro den su historia.

Sr. Sint Jago ta sigui bisa cu e necesidad ta cu si Club Bonaireano su miembronan kier tuma parti y eleva nos cultura, anto nos mester eunimza cu participa activamente y stimula e bida cultural entre nos mes, anto nos lo mester trata na presencia e sorteo di actonnan aki. Sr. Sint Jago ta participa qu di awor en adelanti tur ultimo diavie na luna lo tin un acto cultural den Club Bonaireano.

Finalmen e Sr. Sint Jago, ta expresa palabranan di gratitud na Sr. A. J. Booi, kende tabata dispuesto y a acepta e peticion di nos Directiva y pa su cooperacion a haci esaki un acto exitoso. President ta gradici tur miembro y Bonaireanonan pa nan asistencia, y ta expresa e deseo cu tur Bonaireano cu no ta miembro ainda, lo bira miembro lo mas pronto cu ta posibel y cu na e proximo ocasion nos lo no tin di haci distincion entre miembro y Bonaireano, ya cu anto tur ta miembro di Union Mutualista Bonaireano.

Sr. John Hart, pa clausura e acto aki ta gradici Sr. A. J. Booi, tambe Sr. Luydens di Public Relations di Lago Oil & Transport Co., kendenan nos tin di gradici cu e anochi aki a bira un exito. Pa termina, Sr. Sint Jago, ta presenta miembronan di e Directiva nobo, na e presentenan.

## BO A LAGA NOS SA CABA

### CUAL DI E 10 NOMBERNAN AKI BO TA HANJA MEHOR ?

- |                       |                    |                      |                    |                      |
|-----------------------|--------------------|----------------------|--------------------|----------------------|
| 1. ACTUALIDAD ARUBANO | 3. ARIBARUBA       | 5. ARUBAANSE COURANT | 7. DIARIO ARUBIANO | 9. NOS FUENTE        |
| 2. ADILANTI ARUBA     | 4. ARUBA SU CORANT | 6. CORANT DI PUEBLO  | 8. DIARIO POPULAR  | 10. OPINION DI ARUBA |





Kende ta laga di tin problema?

Tur dia nos ta experienta esaki: hobenan riba tereno di amor, school, deporte y na cas cu mayanan cu vancacion di nan juman, relacion entre esposos cu nan senjora, quehaceres di nan mrs. relacion cu bisnaya y familia.

Como Rosemary, sabi cuanto problema ta molestia un of otro persona, e la pone su mes na disposicion pa tur dianan e diha conseho gratis riba e diferente problemanan cu bo por confiele den nos corant. Manda bo carta pa "Arubense Courant" Nieuwstraat 35 y skirbi den un huki di e envelope bo cla "Correo Confidencial". Si en caso bo problema ta concerni algo muho personal y bo no kier pa e conpor ta avina lon di inchi den e envelope ora envolpe cu bo adres riba di e y stampia, y e ora ey bo ta hunja un contesta personalmente.

Rosemary ta dispuesto na yuda bo! esaki ta un servicio gratis y sin costo. Consta na e persona, cu a pili un contestacion personal.

Señora, nos lo no publica bo carta, pero nos lo por manda bo un contesta personal pa mbo, lo cu bo no a pone bo adres completo. Asina cu por sosodé cu nos carta no yega den bo poder. Mi ta conseha bo sinceramente pa laga bo yiu tunia e trabao ey i sigui aki cu e estudio, cu nan a priminti di yud'ele cuné. Esey ta completamente safe. Ey mes bo yiu tin tur ocasion pa bai adianta i financieramente sigur cu ta mehor.

Rosemary.

Apreciable Rosemary,

Rosemary, mi tin un problema i mi quier tuma un conseho cerca bo. Mi no ta muho jong mas, ma mi ta sinti mi mesos cu un teenager si. Mi tin 32 anja di edad i mi no ta parce cu mi ta bira bieuw. Rosemary, ata mi a sinja conoce un mucha homber di 20 anja un anja pasa. Awor a yega asina leu cu e amistad a bira "amor". For di dia cu su hendenan a tende cu el a puntra pa mi, nan ta tira palabrazo pa mi. Asina cu mi ta na un fiesta cunela nan ta bisa: "Boso weita un mania cu su yiu".

Rosemary, mi ta sinti mi masha ofendi i hasta mi mota a libra pero e joneuman a bisa mi pa mi no worry basta cu e si ta casa cu mi. Mi mania a taba mi di autismo i tambe familia di e joneuman no kier mi pasobra mi ta mas bieuw cu e joneuman. Rosemary, como mi tabatin stimacion p'ele awor cu mi pensa mi bon, mi ta hanja un sorio di miedo. Rosemary no ta mehor mi cuba tur cos cunela pa nos amor no bira un fraude? E joneuman ta jong i loco pa casa cu mi tan pronto posibel. Kiko mi haci? Trata di lubid' of signi cunela?

Pohercita.

Pohercita, Mi anja, por lo general un mulier ta keña muera jong te hasta di 36, 37 anja. Esnan cu conserva nan mes bon ta keda muera jong te mas o menos 40 anja. Despues nan ta cuminsa unistra bieuw. Corda bon kiko mi ta scribi MUESTRA jong of MUESTRA bieuw. Pero un mulier jong di 32 anja no por sinti'ele — si e ta normal, i mi ta kere cu bo ta normal. — mesos cu un teenager.

Bo curazon ta keda jong, mi amiga... pudise te dia bo muri. Pero bo curpa ta cuminsa perde e energia, e vitalidad i e frescura juvenil. E mucha homber ey AWOR ta mira bo jong. Aki diez anja e ta mas jong cu bo ta awor i abo tin 42 anja. E tempo cu un mulier ta cuminsa bira bieuw rapidamente. Mi no kier haci bo ningun color i pa tur mulier ta un cos penoso di papia aki riba. Mi ta conseha bo, di pensa e asunto aki masha bon mes pa despues e joneuman no haci bo sufrir. 12 Anja mas bieuw cu bo exposo ta hopi. Mehor ta si bo por kibra cu e joneuman aki. Mi ta spera cu lo bo por contra cu un mucha homber mas o menos di bo mes edad, esey lo duna bo un seguridad mas grandi den bo vida. Rosemary.

Apreciable Rosemary,

Mi ta un mulier casa di 36 anja. Permi mi conta Rosemary mi pasado pa Rosemary por duna mi un conseho. Dia mi a casa mi tabatin 18 anja. Mi ta di un familia decente i mi mes taba un mucha mulier decente i serio.

Mi esposu tabatin diferente locura promé cu nos casa pero el a hura mi cu lo e kibra cu tur e ilusiones ey pa nos por casa cu otro i bira feliz. Berdaderamente Rosemary, el a cumpli cu su palabrazo. E promé 6 anja di nos matrimonio e tabata sali bai tur caminda cu mi, duna mi tur su placa i nos dos

**OPROEPING**  
Algemene jaarlijkse aandeelhouders vergadering van:  
**RON CARIBE N.V.**  
Te houden op 29 Augustus 1963 om 10 uur a.m. in de tijdelijk domicilie te Van Walbeekstraat 14, Oranjestad, Aruba.  
De Directie

tabata feliz. Su mayortan mota por tabata kier pa e casa cu mi pasobra nan tabata destina pa casa cu un mucha mulier di Corsow, cu tin placa i cu ta mas bunita cu mi. Dia cu nos a casa, Rosemary, mama di mi esposu a bisti na preto i a bisa bandera halfstengel riba cas. Tur esey mi a soporta pasobra mi tabata sigur di amor di mi esposu. Durante di 7 anja en nos tabata casa mi mester a haci un operacion grandi como cu mi no tin yiu i dokter a bisa nos, cu si mi haci e operacion ey, nos lo por tin yiu.

Mientras cu mi tabata na hospital pa operacion i mi a bai Corsow i a keda aya mas o menos un luna mi esposu a bai keda na cas di su mama. Den e tempo ey su mama a instiga mi esposu masha contra mi. El a muera mi esposu cu mi ta strobele pa roll cu otro mucha mulier, el a muera mi esposu cu mi ta gusta warda placa i asina mi esposu no ta goza di su vida.

Rosemary, e mama ey ta masha mal hende pasobra e mes a pone su yiu riba caminda di perdicion. Dia ma bolbe back, ma ripara un cambio den mi esposu. El a cuminsa trata mi malo, el a cuminsa sali anochi cu algun tercio pa bai kere. Mi a papia cunela, el a bisa mi cu e ta jong ainda i cu e mester goza di su vida. Despues el a bisa mi cu ta su mama a mustrele cu e ta kens, e mester duna mi bon duna.

El a pidi mi pa dunele e huki di spaarbank. Como mi sa cu mi esposu ta gusta gasta placa, mi a seonde e huki.

No pa mi, Rosemary, sino pa nos mes tin algo majan. Mi tabatin fl. 900.— riba e huki. Mi a duna mi esposu. Kiko Rosemary ta kere? El a lamta tur e placa i bai parti'e cu su mama i bai distribi'e na San Nicolas. Pasobra ta aya e ta bai awor. Asina nos bida a sigui tur e anjanan aki. Awor

mi ta sinti mi, aunque ta 36 anja so mi tin, bieuw i cansa di sufri. Mama di mi esposu a bin muri, mi a pensa cu awor mi esposu lo bini back cerca mi.

Speranza

Mi amiga, mi tin bo carta hasta dia den mi poder, pero mi tabatin diferente otro pa contesta p'esey ta awe bo ta haya mi contesta. Mi a spera cu bo ta muho laat. Mi tin masha admiracion pa bo, mi amiga. Bo ta un MUJER FUERTE i balente, Speranza i un promé lugar bo amor i fidelidad ta e cosnan cu ta yuda bo pa vence tur dolor i pa mantene bo firme den bo promesa matrimonial. Tuma e siguiente conseho: mira si bo esposu por haya un luna of dos, tres siman di verlor. Cu e placa cu bo tin gasta pa boso dos por haci un trip hunto. Maske ta na Corsow of na Bonaire. Bo ta trata di ta poco alegre i bo ta muera bo esposu cu, apesar di tur cos, toch pa ta stinele. Mi ta spera, cu Dios su poder, cu e vacante ey hunto lo por yuda boso pa rdecha un poco boso matrimonio. No perde speranza, mi amiga!

Rosemary.

**ACCIDENTE TRAGICO Ariba CAMINDA PRINCIPAL NA SAVANETA**

SAVANETA, 27 agos. — Dia-domingo anochi mas o menos 10 minuit pa siete a tuma lugar ariba caminda principal di Savaneta na altura di e kemp di marinierman un accidente di trafico. Aki ta trata di e caballero N.R. kende a worde gedi pa e auto A1538 mancha pa R.L.

Segun nos a worde informa e caballero N.R. kende a para cu su pick-up banda pa zuid di e caminda principal pa motibu cu e awa den su radiator a caha, a cruza caminda y a bai busca awa pa su auto. Despues cu el a caha di yena e radiator di su auto cu awa e kier a cruza caminda pa hiba e hember cu el a fia cu awa back. Na e momento aki pa motibu di un desuido nei na momento ey e ta cruza caminda el a worde gedi pa e auto A1538. E victima N.R. kende mester a worde transporta cu ambulansa pa San Pedro Hospital, a hanja probablemente un comocion celebral y un pia a kibra. E situacion di e victima ta, hasta serio.

**YABI** pa bo éxito  
Avisa den ARUBAANSE COURANT y compara e resultado

**MARTINI**  
**VERMOUTH**  
*sweet white extra dry*  
WIMCO  
ARUBA, Neth. Ant.



Week-end cu a pasa tabatin un exposicion di pinturanan di alumnonan di e conocido pintor Pandellis, den e edificio di Y.M.C.A. na San Nicolas. Aki nos ta mira senyor Pandellis den centro ta dunando splicacion na algun bishitante tocante di e pinturanan di su alumnonan. Na drechi ta senyor J. Geerman, miembro di eilandsraad di Aruba.

**EXPOSICION ALUMNONAN DI PINTOR JOHN PANDELLIS**

SAN NICOLAS, 27 agosto. — Den e edificio di YMCA na San Nicolas tabatin durante di e weekend cu a pasa, exposicion di pinturanan i dibujan di alumnonan di e pintor Pandellis kende ta bira na Aruba. Cu nan tin un bon maestro, esey por worde constata principalmente door di nan tecnica di color, cual ta brillante pero nunca di mas. Tabata un bunita exposicion, cu atrobe a laga nos sorprendi di constata cuanto pintornan amateur tin na Aruba. E hecho cu den tur e cantidad aki tin masha poco ta busca nan inscripcion ariba e isla mes, a laga nos poco desapunta.

Senjora E. Moore ta muera cu su "Casihary" claramente, cu estudio nan local por ta sumamente fascinante. Nos no kier bisa cu copiamiento di un bon pintura, manera cu senjora A. Mullen a haci cu su "Renoir flowers", no ta algo educativo, pero e hopi paisahenan Hulandes, Rijn, Lago Como, Paris y Nice ariba e exposicion aki a duna nos e sentimiento, cu hopi di e pintornan, sin bisa nada malo di e bonnan, ta copia muho. un aviso cu pintor Pandellis tambe ta duna su alumnonan. Senjora A. M. de Heer a reproduce un paisahe Hulandes, No. 17 den catalogus, y ey den e ta muera cu e tin tecnica pa pinta. Peseu a duna nos masha cu banda di No. 17, no tabatin un cuadro di un paisahe local junto cu e mes un tecnica. Pasobra esey lo ta awor e siguiente paso di e alumna aki, y di hopi di e otro exposicionnan: mira cu propio bista door di un cuadro imaginario y reproduce un flor bibe, un fruta na alcanza of un paisahe cu e pintor ta mira. No. 16 un naturaleza morto (stilleven) di senyor Flemming tabata atractivo di color y bon como un estudio. Capacidad artistico di naturaleza por worde constata den e obranan di dos alumna masha hoben. Herrich, Lo-A-Nice y Diana Wong-A-Sov, tur dos di 13 anja. No. 25 "Ruin", di senjora Ima Eman nos kier elogia como cu e ta un obra original y asina ta muera personalidad. Nos bida diario ta duna bastante motihunan y obhetonan pa pinta. Pa describi e pintura den propio becindario, esey ta e dificultad. Nos no ta mroessa, door di pasu rendi e dificultad ey door di copia un bida di Rijn, cu un otro pintor a describi v va a conta. Ora cu e amateur unbez a vena na e studium di describi obhetonan den su mes becindario, e mundo rico di e pintor ta habri su dilata. Nos a nena den nos mes. Posiblemente e pintor di e pida Rijn of Maas lo kier duna diez anja di su bida pa por tra-

AWOR OBTENIBLE NA  
**Panama Store ROMART**  
INTERIOR — EXTERIOR  
ROMART TA UN VERT. MODERNO, CUIDADOSAMENTE MIESCLA PA PROTEHA E SUPERFICIE COMPLETO.  
Proteccion den cada galon.  
1 galon f. 5.10  
1/4 galon f. 2.25  
Tambe tin tur sorto di KWASHI.

**PETRONA & CROES**  
Materialnan di construccion di calidad y na prijs atractivo esey ta solamente na  
**PETRONA & CROES**

**BON NOTICIA!**  
HUMA MAPLETON Y GANA PLACA ALAVEZ.  
**MAPLETON**  
AWOR..... Pa cada pakí bashi di MAPLETON, bo ta ricibi 3 cent.  
Agentes:  
**SHANGHAI STORE**  
San Nicolas.

**KNSM** *your line*  
TELEPHONE 1777 - 3 LINES  
SCHEDULE OF ARRIVALS/DEPARTURES AT/FROM ORANJESTAD

SHIPS NAME	FROM:	TO:
ATTIS	28-8-'63 Europe, Madeira, Curacao.	Ven., Trid., U.S. Atlantic Ports
HERCULES	28-8-'63 U.S. Gulf Ports.	Cur., Ven., Trid., G'town, Paramaribo, Europe.
MARON	29-8-'63 U.S. Atlantic Ports.	Ven., G'town, Paribo, Canada.
HERMES	31-8-'63 Europe, Curacao.	Venezuela, Colombia, Europe.
MEMNON	5-9-'63 U.S. Atlantic Ports.	Venezuela, Trinidad, Europe.
PRINS DER NEDERLANDEN	9-9-'63 Europe, B'dos, T'dad, Cur.	Caribbean Cruise.

**CISCO KID** presenta pa cortesia di **ARUBA BOTTLING COMPANY** NESBITTS den varios sabor, e refresconan mas pidi y mas gusta na Aruba.

1. Mi ta kere cu Cisco Kid a trata pa ganjami. Y abo sa con mi ta castiga esei! Si!  
2. Majan, pues, ora Cisco bini mira mi, nos tin un sorpresa pe!  
3. Maina.... Cu esaki mi por laga explora e bodega. Tene cuidado.



**PEPITA** pa cortesia di: **Antillian Hardware Co**  
E mehor adres pa VERF, KWASHI, TUR CLASE DI HERMENT, articulos sanitario.

1. Ey!  
2. Mi a eaha di limpia y pa malu bo ta laga un papel cai abao. "Atay".  
3. Awor pikiele y ponele aki den! Bo ta papia mecos cu mi casa.  
4. Pero mi ta conten'o cu e no ta usa un punta scherpi manera esei....



**Verkoper gevraagd**  
Vereisten: MULO Diploma, leeftijd 22 — 26 jaar Vrijgezel. Representatief, Nationaliteit Nederlander (Talen Engels en Spaans)  
Geboden prettige goed gesalarierde werkkkring met uitstekende toekomst mogelijkheden.  
Schriftelijke sollicitaties te richten aan  
**Aruba Trading Co. Wholesale Dept.**

**CURSUS SUCCES**  
Cursus voor opleiding.  
**TOELATINGSEXAMEN ADSPIRANT AGENT VAN POLITIE**  
Inschrijving voor deze opleiding vóór 2 September bij  
**CURSUS SUCCES**  
Nieuwstraat 6  
Tel. 1534  
De opleiding wordt gegeven door ervaren MULO leerkrachten.

**CURSUS SUCCES**  
Nos ta cuminsa cu un  
**CURSO NOBO DI STENOGRAFIA**  
na Hulandes, Ingles y Spanjo  
**DIA 2 SEPTEMBER**  
PA TYPE bo por inscribi tur dia  
Kandidatanan cu drup pa nan examen di type ta sigi haya len  
**POR NADA**  
cerca nos te ora nan slaag  
**CURSUS SUCCES**  
Acudi awe mes na  
Oranjestad: Nieuwstraat 6, — TEL. 1534  
Sta. Cruz: Papijon 53.





Aki nos ta mira (na drechi) korporaal Verhelle di marinierskazerne Savaneta ricibi for di man di presidente di „Onze Vloot“ dr. O.A. Bijl e copanor obsequia pa e organizacion aki na e mihor marina deportista di e anja aki na Antillas. Manera ta conoci durante e ultimo encuentro deportivo di marina na Antillas korporaal Verhelle a sali e participante cu mas punto individual. Den centro nos ta mira Lt. Timmermans, kende tabata e lider di e team di Aruba.

## Accion contra Boedhistanan di Zuid Vietnam

WASHINGTON, 27 aug. — E embahador nobo di Merca na Z. Vietnam Henry Cabot Lodge, lo wordu ricibi pa president Ngo Dinh Diem. Na e oportunidad aki e lo explica punto di bista di su gobierno tocante e crisis na Zuid Vietnam.

Den circulacion autorisa na Washington nan a bisa entre tanto, cu e recien noticia cu nan a ricibi den capital di Merca ta mustra cu ta unidnan special di polis di e ruman di president Ngo, cu actualmente tin hopi influencia a haci atakenan riba e pagodesnan Boedhista. E exercicio mes bao di direccion di generalnan, cu pa gran parti ta Boedhista, no a participa na e cheuta ordenan di president Ngo, entre cual mantencion di estado di sitio, asina nan a declara na Washington.

E ofensivamentu di cartanan credensial di e embahador Mericano ta sigi riba arestacion di cientos di estudiante y otro hobennan den cay di Saigon, durante di diadomingo. Segun un noticia no segura nan a mata un mucha muhe na demonstracion cu nan a tene riba marche central como protesta contra medidanan anti-Boedhista.

Saigon a transforma den un fortaleza grandi.

Polis y militarman a ocupa e puntanan di mas importante den e ciudad, caminda jeep y artilleria aerea ta proteha gobierno. Despues nan a serra tur school y universidadnan te despues di un otro orden.

Por lo menos siete di e jidernan

### ARESTACION DI LIDER DI MAFFIA

Antayera nan a aresta den territorio di Palermo na Sicilia, Giusto Bonanno di 60 anja, e lider di mas principal di Maffia.

Nan ta acuse di asesinato, robo complicidad y crimennan.

## Mensahe di Chroesjef pa Kennedy

WASHINGTON, 27 aug. — E embahador Sovietico Dobrynin tabata ayera mainta un entrevista di un ora cu president Kennedy. Durante e conversacion aki el a entrega, manera Dobrynin a anuncia periodistanan despues, na e president Mericano un mensahe di prome minister Chroesjef den cual esaki ta expresa su satisfaccion tocante firmau di e tratado pa stop prueba nuclear y a declara tambe di tin e impresion, cu e hislita na Union Sovietica di e minister Mericano di asuntunan exterior y algun miembro di e senado Mericano en relacion cu esaki tabata masha util.

Segun e embahador Ruso, president Kennedy a bisa durante un conversacion cu el a dispueto pa papia cu e minister Ruso di asuntunan exterior, Gromyko, ora cu esaki yega Merca na september proximo en ocasion di inauguracion di e asamblea general di Nacionnan Uni, tocante desarrollo di relacionnan entre Merca y Rusia.

Dobrynin a bisa cu e no por contesta un pregunta cu nan a haciele,

si prome minister Chroesjef lo yega New York tambe e tempo ey.

Tambe Dobrynin a declara, cu el a papia cu president Kennedy tocante un mihoramento di relacionnan entre ambos pais y destension den mundo.

### Koor di Iglesia Katholico na Playa kier hanja ochenta miembro

ORANJESTAD, 27 agosto.— Den e koor di Iglesia San Francisco na Playa, tin diferente cambianan ta tumando lugar na e momento, un koor di caballeros y un koor di damas, a bira un koor mixto di cual senor L. P. Vermulen ta dirigente.

E motibu di e decision nobo aki ta cu e situacion anterior no tabata satisfactorio. Pa hanja un volumen basta bon cu e koor di caballeros, tabatin mester di hopi mas caballero di loka senor Vermulen tabatin na su disposicion. Pero despues di delibera cu pastorie a wordo decide pa forma un koor mixto. No unicamente a bira di e manera ey mas facil pa tin un koor di hasta grandura y volumen, pero e koor nobo tin e probecho awor di tin diferente sorto di voz. Dia 15 di e luna aki, dia di Maria Hemelvaart senor Vermulen cu e koor aki a duná cooperacion na un misa y en general e opinion tabata cu e koor a haci un bon debut. E plan ta pa en lo futuro un biaha pa luna duná cooperacion na misa den Iglesia San Francisco. Mientras cu e programa ta ainda unicamente ta anuncia cancionan mixto cu diferente voz, en lo futuro senor Vermulen ta spera di por studia motetten tambe cu e koor. Na e momento e koor tin caba 60 persona. Senor Vermulen ta spera di en lo futuro hanja 20 mas, como cu e volumen actual no ta basta ainda. Interesadonan por acudi serea dje (Tarabana 52) of serea pastorie na Oranjestad.



Un otro entregamento di copa cu a tuma lugar e weekend cu a pasa, tabata esun di baseball Little League. Durante un pic-nic anima na plantage Tromp na Palm-Beach, senjorita Doris Habibe, Reina di Deporte 1963 a entrega diferente trofeo na e participantenan na e encuentro na campeonato di Little League. Aki nos ta mira sr. Francisco Chirino ricibi e trofeo pa e team cu a sali campeon e anja aki esta „O So Grape“. Senor Chirino ta manager di e team aki. Na drechi nos ta mira para ta mirando, e presidente di Little League senor M. Serphos.

## Cumpleanjos

Dia 25 di agosto a cumpli 13 anja casa e pareha Irma y Cipriano Geerman. Felicitacion ta bini di nan yiuunan Aurora, Olivia, Tico y Nella. nan mama y tata, rumannan, primo y primanan, sobrino y sobrinanan y demas familia Geerman, Hereira y Dania.

Dia 26 di agosto a cumpli 2 anja e hobencito Glide Nadall, felicitacion ta bini di su padrino Pablo Lopez, di Reina, Maria, Antonio, Beatriz, Ramon y Elvis Lopez.

Awe dia 27 di agosto lo drenta enlace matrimonial e pareha Alberta Flanegin y Godfried Yarzagaray na Iglesia di San Francisco na Oranjestad pa 10.30 mainta, hopi felicitacion ta bini di parti di familia Godfried y Yarzagaray.

Awe ta cumpli 16 anja Carlos Goele, felicitacion ta bini di su mama y tata, rumannan, primo y primanan, tanta y omonnan, welo y welanan y demas familia Goele y Everts, amigonan Roland Thode y Roland Nicolaas.

Dia 26 di agosto a cumpli anja senjorita Seferina Cita Gomez. Felicitacion ta bini di parti di mama Luciana, rumannan Rosa, Rosaria, Sonia, Rahijia, Pedro, Johan, Lucita, tanta y omonnan, wela, prima y primanan y demas familiares.

### DIADOMINGO SHOW DI MAGGY Y LA LINDA DEN A. C. HOTEL

ORANJESTAD, 27 agosto.— Diadomingo un show di moda lo tuma lugar den Aruba Caribbean Hotel-Casino, cu cooperacion di Maggy's Beauty Shop y La Linda. E prome cas ta peca pa e peinadonan, mientras bisir y joyanan ta pa cuenta di La Linda. E resultado di e atardi cu lo dura di tres'or pa seis'or y mei, ta na favor di e fondo caritativo di e departamento di damas di Sociedad Bolivariana. E departamento aki, cu a wordo establese mas o menos un anja pasa a dedica su mes mas tantu riba trabao caritativo y ya caba hopi hende den necesidad a provecha di e ayudo di e damas di Sociedad Bolivariana. Actualmente e damas di e Club Bolivariana ta considera pa juda un mucha muher cu despues di un accidente tin dificultad cu su voz y mester hacé un operacion. E show di moda di diadomingo lo wordo varia cu baile y (gratis) koffie cu cake.

## AGENDA

### CINE

Diamars 27 agosto 1963  
DE VEER 8.30 p.m.: „Fiel hasta morir“ all  
REALTO 8 p.m.: „Mirando a Matar“ 10 J  
PRINCEPAL 8 p.m.: „King of Kings“ 10 J  
AURORA 8 p.m.: „La Tortola del Ajusco“ 10 J  
SAVANETA 8 p.m.: „Marco Polo“ all

### BOTICANAN DI WARD

ORANJESTAD:  
Botica del Pueblo tel. 1253-2154  
SAN NICOLAS: Botica San Lucas tel. 3119

### DOKTERNAN DI WARD

ORANJESTAD-NOORD: Dr. J. R. LEO  
SAN NICOLAS-STA. CRUZ-SAV.:  
D. R. de la Fuente.

### WIT-GELE KRUIS

San Nicolas Zr. Perpetua  
Oranjestad Zr. Ewald  
Santa Cruz Zr. Ludovic

### RADIO CARACAS TELEVISION

Diamars 27 agosto 1963

8.45 Senderos de luz  
9.00 Cajas con sorpresas  
9.30 Jardin de infancia  
10.00 Ingles por T.V.  
10.30 Programa de Cecilia Marliana  
11.15 Quien es quien en T.V.  
11.45 Novela  
12.00 Show de Saume  
13.00 Noticias  
13.35 Cont. Show de Saume  
13.55 Se necesita una amiga  
13.55 Novela  
14.00 Punto y aparte  
14.20 Yo te lo vendo  
15.00 Estudio de Hector Monteverde  
15.30 Perfecta ama de casa  
16.00 Aventuras de Popeye y Yeye  
16.30 Mejias y sus muchachos  
17.00 Tio Tac Toe  
17.30 Pelicula  
17.55 Noticias  
18.00 Ruta 66  
18.00 Teletatro  
18.20 A gozar muchachos  
20.00 El Observador  
20.15 Novela  
20.30 The Amador news  
21.00 Julian Pacheco  
21.30 Ruta del Sol  
22.00 Noticias  
22.35 Cine para todos.

### RADIO VICTORIA

Diamars 27 agosto 1963

A.M.  
6.00 Apertura  
9.05 Ultimas noticias  
9.15 E. bibel Habibi  
9.30 Gimnasia  
10.00 World news  
10.10 The Bible for you  
10.15 Radio Revival  
10.45 Thoughts on home  
11.00 Chapel of the air  
11.15 Novela  
11.30 Melodias di merdia  
F.M.  
12.00 Ultimas noticias  
12.15 Noticias sagradas  
12.30 World News  
12.45 Quiet time  
1.00 Radio concert hall  
1.30 Reading Room  
2.10 Songs of Zion  
2.30 Quiet hour  
2.45 Ultimas noticias  
3.15 Melodias del alma  
3.30 Adelante juventud  
4.00 Noticias di banda  
4.15 Ultimas noticias  
4.30 Nuebanan pa Cristo  
4.45 Noticias na Spanjo  
5.00 Academia del aire  
5.15 Palabranan di bida  
5.30 Musica para la cena  
6.00 Ultimas noticias  
6.30 Charles a la Juventud  
6.45 Netherland news  
7.00 Herald Hornblower  
7.30 Children's corner  
8.00 World news  
8.15 Of the record  
8.30 Back to the Bible

## RADIO KELKBOOM

Diamars 27 agosto 1963

7.00 Opeeling  
7.05 Bon dia cu alegria (Instrumental)  
7.30 Musica Matutino  
8.00 Seleccion Musical cu disconan  
8.15 Musica varia  
8.30 Cumpleanjos Feliz  
9.00 Noticia social  
9.15 Peticion musical pa telefono  
10.00 Noticia internacional  
10.15 Musica varia  
10.30 Programa di N. Habibe Jr.  
11.00 Noticia internacional  
11.05 Musica Norte Americana  
11.15 Musica Antillana  
11.30 Musica varia  
12.05 Noticia internacional  
12.20 Musica Norte Americana  
12.45 Noticia local  
01.00 Musica varia  
01.30 Mei ora cu Boleros  
02.00 Novela (Gretchen)  
02.30 Melodias instrumentales  
03.00 Musica Colombiana  
03.15 Twist  
03.30 calypso  
03.45 La Macorisa & International  
Supermarket  
04.00 Musica cu sabor Artera  
04.30 Noticia local  
04.45 Cofeti musical  
05.00 Danzones Cubanos  
05.15 Musica  
06.00 Noticias deportivas  
06.15 Musica varia  
06.30 Musica para la cena  
07.00 Notician internacional na Paplamente  
07.15 Musica Europeo  
07.30 Musica Norte Americana  
08.15 Novela (Vida Rubada)  
08.45 Musica varia  
09.00 caraca musical  
10.00 Shilking.

## DIADOMINGO VENIDERO COLECTA PA SEMINARIO NOBO

ORANJESTAD, 26 agosto.— Diadomingo venidero un colecta lo wordo tene den tur e iglesiasnan catolico na Aruba, cual lo ta na beneficio di instituto pa hobennan cu ta sinja pa bira pastoor (seminario), na Corsow. Pa motibu cu na bisdom ta existi e plannan pa traha un seminario completamente nobo, a dicidi pa duná e extra colecta di diadomingo venidero pa esaki. Na e momento tin mas o menos 22 hoben den e seminario Curazolenjo, entre nan un diez di Aruba. En cuestion cu e plan pa tene e colecta aki ariba promer diadomingo di otro luna, pastoor Erkamp di Oranjestad, kende ultimamente a anuncia cu cada promer diadomingo di luna e lo pone un macuto den su iglesia, eminda e purkionan lo por pone loka nan tin pa e pobherman, el a dicidi di pone e macuto ariba di dos diadomingo di luna di september. Esaki e ora lo ta prome biaha cu ta tuma lugar.

## AVISA DEN ARUBAANSE COURANT

## MI TA BUSCA MI JIU

### HOLLANDSE BANKETBAKKERIJ

Oranjestad tel. 2798 — San Nicolas tel. 3478

E mehor adres pa Bolo y tur clase di pasa-boca. Diariamente fresco.

— 10 —

—Ay, el a sonrei. E ta perfectamente. El a drumi te cansa, y awe noch den banjo el a borota manera custumber. Y den su cracion di anochi el a pidi Dios perdón.

—Asina, anto cu esey cos a keda lubida. Bam Elena bo medicina, bo no mester exita bo mes tantu. Mi ta un idiota, perdona mi! Mi ta stima bo. Helga ta un bon mucha. Nos lo hanger na maestra nobo. No ta tantu serio. Awor bo mester hai drumi.

El a drecha su cama y a tapé. E ora el a baha su cabez y a sunchi su boca.

Elena a suspirar. E ora su brazanan a sali di bao di e dek y a coge brazo.

—Bisa esey un biaha mas, el a roga, cu apesar di tur cos bo ta stima mi.

—Ay abo, el a contesta solamente y a hale masha pega cu ne.

Den e cas di e pareha Wortman tambe tabatin excitacion. Karel Wortman tabata sinti dilanti television ora cu porfin pa och'or senjora Wortman a drenta. E tabata humá su pipa y tabata di mal humor.

—Porfin bo a jega? el a grunja. Mi a alegria mi mes asina hopi riba e piscu.

—Mi no por a bini mas tempran, el a defende su mes liber. Tabatin tantu cos di hai.

—Mi mester papia cu bo. Karel. E mucha tin un lunar.

—Cua mucha? E no tabata gusta cu e tabata papia mientras e tabata waak television.

—Wel e mucha di erienza.

—Bon y? Kiko esey kier meen?

—Un lunar mescos cu Martha, Karel.

—Esey lo tin mas.

—Karel, asina no. No asina! E ta

a eni sinti riba e stiel na otro banda di e mesa.

—Esey ta un pica! el a bisa. Imagina bo mes Karel, e no tabatin mayornan nunca.

Ningun hende no tabata stime. E ora a bini un hombre y pa prome biaha el a stima un hende. No por ta posibel....?

—El a sacudi su cabez cu no.

—Pero ami no kier esey. Esey ta un berguenza.

—Durante guerra, su casa a bisa, durante e guerra aki asina hopi a hanja nan den berguenza sin cu nan tabata kier.

—Pero si tabata Maritah, anto no tabata den guerra. E mucha tin seis anja y Maritah tabatin cinco anja e tempo ey. E mester a tin diezseis anja e ora.

—Masha hoben, masha stupido, su casa a murmura. Y muchu su so...

—Ay cos di locol el a grunja y a bai cu su cucu riba mesa.

—Tur mucha muher di diezseis anja sa kiko ta bon y kiko ta malu.

—Y tin algu di hai cu e guerra, su esposa a opone. Si no tabatin un guerra nos lo criele. E ora bo lo a sinje tur cos, cu bo ta kier. Pero awor ken sa na unda el a pasa. No ta su falta toch?

No, siguramente no tabata su falta. Si Maritah tabata na hida ainda ningun hende por a culpe pa e bida cu el a baha despues di e anochi horibel di 1944. Esey e hombre bieuw tambe tabata realiza awor. El a caba di bebe su cerbez.

—Y awor? el a puntra. Kike no kier haci awor?

—Mi mester sa, na unda su mama ta. Y pakiko su nomber ta Mekeidorp? Maritah tabata sa su nomber bon caba e tempo ey.

—Si, esey ta berdad, y el a corda e mucha morto! Blond cu wowo blauw, un muchu cu tabata masha bieu, cu tabata gusta bula y hunga dilanti nan cas di e tempo ey.

El a cuminza su mes bira tristu. Ken a waak su yiu desde 1944?

—Bon anto, el a bisa y a pusha su tayo un banda. Esaki ta e ultimo intento cu nos ta hai. Elfrida. Nos lo busca informacion tocante e mama di e mucha. Pero serea ken? Serca senjor Fechner?

—No, no, e no tin mag di sa nada! El a busca e mucha manera un rumann cu Grace. E no mester kere cu nos kier kite for di dje?

—Nos kier haci esey anto? el a puntra.

—Lo e ta nos nietu, Karel, el a murmura y a poue su mannan na su cara. Si tabata berdad nos lo hanja nos obligu.

(E ta sigui)



## DICK TRACY JAN BODEGOM & CO (Aruba) N.V. TEL. 1284 — 1402

agente exclusivo di FRIESCHE VLAG lechi evap orado y lechi en polvo MAXWELL HOUSE KOFFIE


1. En realidad, Punky, esaki si ta cos di hari. Laga nos cuminza atrobe, bo no kier meen den seriedad!  
2. Mira, Peck, mi prima Thistle, ta sera den cel. Mi apartamento ta jen di polis. Esaki ta un dia pa mi.  
3. Pero abo, abo ta un geu-won gangster. Mi ta un senjora respetu.  
4. Bo no por tuma mi apartamento pa un lugar di skonde. Esei ta loka bo ta kere.




1. Con ta Kid! Hola.  
2. Mi no ta sinti mucho bon. Mi sa cu mi ta un estúpido grandi.  
3. Mira, kende a saca es potret aki pa bo? Di mi?  
4. Ai mi Dios! Mi ta cuminza mira claridad. Duna mi un vergueglas.







HELEN MOHAMMED



MADZY TUJEEHUT



EVA CABENDA

SANDRA FUNG (ballet)

GAIL DE MIRANDA

YVONNE HAVERTONG

SHIRLEY TJON

# SHOW DI MODA DEN CLUB SURNAM A BIRA UN EXITO

SAN NICOLAS, 27 aug. — E show di moda cual a worde presenta Diasabra anochi den Club Surinam, a bira un exito rotundo. Algun decenas di bishitinan precioso y atractivo, cualnan un parti tabata di Venus Store y e otro parti obra propio, a worde muestra. Loke a worde colecta door di e show, pa cual senjora E. Bolo y su comité di damas a tuma e iniciativa, lo ta completamente pa e Prinses Wilhelmina Fonds pa combati kanker.

E anochi den un club yen a worde presencia door di senjora Irma BeuJon-Brouwer, como representante di directiva di e Fonds ya mencionado, e miembro di Staten E. R. Finck y e antes miembro di Eilandsraad A.W. Wijngaarde. Senjor Finck tabata esun cu a habri e anochi cu un discurso chikito den cual el a muestra con importante e organizacionnan manera Prinses Wilhelmina Fonds pa combati kanker. Despues maestro di ceremonia Wong Swie Sang a tuma palabra pa dirigi e show, cual a cuminsa cu bishitinan di mucha y rapidamente a sigui cu bishitinan di teeners y algun trahenan di banjo. „Mannequins“ cu a duna (e chikitanan) Myrna Hoen, Yvonne Havertong, Gail de Miranda, Audrey

Lieuw Yen Tai, Miriam Town, Rita van Es, Rosemary Schotborgh y su nan cooperacion e anochi aki tabata ruman mether Claudette, Denise y Benita Astwood, Diana Wong A Soy, Helen y Eva Cabenda, Wilma Brunnings, Jessie y Ellie van Thof, Diana y Mildred Anzand, Marva Vlaun, Carmen y Anneke Brunnings, Madzy Tujeehut, Helen Mohamed, Helen Mangroelal, Joan Kuiperdal, Shirley Tjong y Eline Cumberbatch. E show

## WELGA DEN MINA NA BOLIVIA TA CONTINUA

LA PAZ, 27 aug. — Negociacionnan pa finalisa e welga den e minanan di Bolivia aparentemente a fracasa, asina e compania minero di Bolivia cu ta worde explota pa estado, a participa. Delegacionnan di e federacion, cu a participa na e negociacionnan, no a firma e documento final y a bandona e capital. Nan a participa cu nan lo consulta cu e miembronan di e federacion. Dialuna e compania Boliviano di mina ta spera un contesta di nan.

Pero despues e compania a participa cu ayera e lo a cuminsa cu su plan

tabata combina cu e actuacion di e belleza Surnamenjo, Sandra Fung cu a habia ballet, tambe presentacion di e orkestra juvenil „Kenneth Mangroelal y su Teen Toppers“ y un grupo di dancianan bisti como bellezanan Hapones, kendenan tambe a duna un presentacion. En corto e anochi tabatin un exito enorme. Cooperacion a worde duna door di joyeria di senjor Ch. van Eer. Senjora Bulo lo por entrega mas o menos 150 florin na e

reorganizacion di e minanan na Ca-Prinses Wilhelmina Fonds.

E welga a worde proclama como simpatia cu e 1050 mineronan cu ta contra e decision di e compania pa retiranan ya cu no tin mester di nan.

Na e momento Mac Namara Corporation, e compania cu ta encarga cu e extension di aeropuerto Prinses Beatrix, ta instalando su mes fabrica di asfalt den becindario di e aeropuerto. E fabrica aki cu lo tin un capacidad di 150 ton pa ora, segun e ultimo plannan lo mester ta cla na fin di e luna aki of cuminsamento di otro luna. Ariba e poiret nos tin un bista di un parti di e fabrica cu ya ta instala.

## AMENASA DI CAMPESINONAN ALEMAN

HAMBURGO, 27 agosto. — Campesinonan di Alemania lo cuminsa un lucha si gobierno no apoya agricultura intensivamente, asina e president di e federacion di campesino, a declara awe den un entrevista cu un corant.

El a bisa cu e campesinonan ta exige un limitacion husto di import di cuminda, un rebaho di vermogen belasting y nan no kier pa prijsnan di mashinan di agricultura w mest artificial sigui subi.

Pronto e president di e federacion di campesinonan lo cuminsa deliberacionnan cu gobierno federal pa hanja un solucion di e crisis agriculatural. Si e deliberacion ey fracasa, nan mester traha cu prudencia pasombra e tembloranan cu e boor gigantesco aki ta causa por causa otro derubamentunan door di cual nan trabao lo bai mas atras.

## DEMOSTRACION NA AMSTERDAM

AMSTERDAM, 27 aug. — Ayera mainta nan a tene na Amsterdam un demostracion como solidaridad pa e marcha pa Washington.

President di e comité Hulandes di accion ta e escritor Mericano Paul Harrison, cu a declara ayera mainta na un conferencia di prensa, cu nan a pidi permit cerca polis pa e demostracion. E comité di recomendacion ta consisti principalmente di profesor, escritor, actor y politiconan.

E marcha lo cuminsa na Nieuwmarkt.

## MALAKKA TA INVITA SUBANDRIO

KOEALA, LOEMPOER, 27 agosto. — Minister Indones di asuntunan exterior Subandrio a worde invita door di Malakka pa bishita Singapore otro majan pa delibera tocante e problema di observadornan cerca mision di Nacionnan Uni na Noord Borneo. E kestion aki cu ta atraza planann pa lanta federacion di Malaisie a worde desmentí awe mainta pe gabinete di Malakka.

Segun un anuncio dje gobie-no, nan a invita dr. Subandrio pa kita foi caminda cada mal comprension crea tocante e problema di observadornan y e punto di bista di Malakka den e kestion.

E gesto pa invita dr. Subandrio pa deliberacionnan riba termino cortico pa Koelala Loempoer, a worde haci pa muestra cu Malakka kier solucion a e kestion na un manera pacifico.

# Mineronan Mericano ainda ta serra

HAZLETON, 27 aug. — Equiponan di rescate a cuminsa antayera nochi cu habrimiento di e parti mas abao di e buracu cu nan a bor, door di cual David Fellin di 58 anja y Henry Throne di 28 anja cu tin dos siman den un mina na Hazleton na Pennsylvania, mester wordu subi riba terra. Si tur cos sigui bon nan ta spera di mira e hombernan aki bibu awe nochi, pero nan mester traha cu prudencia pasombra e tembloranan cu e boor gigantesco aki ta causa por causa otro derubamentunan door di cual nan trabao lo bai mas atras.

Te ainda nan no a tende nada di e di tres minero, Louis Bova di 42 anja cu ta serra den e mina for di e otro-nan. Nan tin poco speranza di topele bibu, pasombra el a keda herida durante e derubamentu y nan no por baha remedi y cuminda pé. Pero nan lo trata pa bora un buracu chiki pa mira si e ta na bida.

E dos mineronan, cu tabata na 101

meter ora cu un mina a cai den otro, ta actualmente den un espacio caminda nan por subi na un caminda steel, te na un profundidat di 94 meter. Ayera mainta e boor a haci e buracu mas grandi cu ta yega te na un profundidat di 73 meter, asina cu nan falta solamente 21 meter mas pa alcanza e dos mineronan.

## OBSERVADORNAN DI N.U. NA ISRAEL

JERUSALEM, 27 aug. — Ayera observadornan militar di Nacionnan Uni a cuminsa cu inspeccion di e comarcasnan di defensa di e zona demilitarisa di ambos banda di e frontera entre Syria y Israel, asina un bosero di Nacionnan Uni na Jerusalem a participa. Nan ta investiga si un di e dos partidionan den e territorionan aki tin arma cu segun e acuerdo di armisticio ta prohibi. Observadornan ta controla tambe concentracion di trupanan.

E comision mescla di armisticio di Jerusalem, entre Jordania y Israel lo reuni ayera na Jerusalem en relacion cu un incidente di frontera di Auer na e muraja bieuw di Jerusalem entre Israel y Jordania caminda nan a mata un solda Israelita.

## CONFERENCIA EXTRA-ORDINARIO DI OBISPUNAN

FULDA, 27 agosto. — Awe nan a cuminsa na Fulda un conferencia extraordinario di obispunan, organisa pa obispunan Aleman, pa stipula e actitud comun durante e di dos periodo dje concilio Vaticano. A participa ne conferencia aki, Cardinal Alfrink di Hulanda, Cardinal Frings di Colonia y Cardinal Doelmer di Muenchen, Freising, y mas di 50 Arzobispu y Obispu foi Alemania West, Austria, Suecia, Finlandia, Suiza, Noruega, Dinamarca y tambe representantesnan dje episcopado Frances, Belgo y Hulandes.

## MERICANONAN TA SALI FOR DI CUBA

HAVANA, 27 agosto. — Un grupo di 55 estudiante Mericano a sali a vera cu avion foi Havana pa Madrid di regreso pa Merca. Ta posibel, cu nan ta persigui nan, pasobra nan a viola e prohibicion di ministerio di asuntunan exterior, pa no viaha pa Cuba. Gobierno Spanio, a duna nan permit pa keda Madrid, te ora cu nan sali abordo di un avion di compania Iberia dia 29 di agosto pa New York.

## DALMENTU DI TREIN NA LYON

LYON, 27 aug. — Ayera tardi dos trein a dal den otro den un tunela na ocho cien meter di e stacion di Saint Paul na Lyon.

A muri por lo menos seis persona na e desgracia aki. Mas di 15 otro a keda herida. Ta haci e trabaonan di rescate difícil, e securidad, cu ta reina den e tunela. E desgracia a tuma lugar, ora cu un trein a drepta poco poco for di direccion Charbonnières-Les-Bains, y a wordu e dal door di un trein „Micheline“, cu ta corre mas libe.

## BO HOROSCOPO PERSONAL

ARIES 21 Maart — 20 April



Acento ta cai a wor riba bo famia y bo lugar di trabao. Loke bo inicia riba e terenonan aki ta nifica exito, pero keda modesto.

TAURUS 21 April — 20 Mei



Esaki ta un di e dianan mas favorable di siman pa contactacion cu otro. Tin aspectonan di viahe y dibernacion.

GEMINI 21 Mei — 20 Juni



Awe bo tin mehor perspeccionnan tambe riba tereno financiero. Bo tin bon aspecto pa haci compras, tambe pa uso priva.

CANCER 21 Juni — 22 Juli



Aspecto di luna ta percura pa bo ta riba prome lugar awor. Haci mas con actonan posibel bo por logra hopi cu conversacion cu otro.

LEO 23 Juli — 22 Augustus



Concentra bo mes riba e cosnan cu mester worde haci y no desvia di nan. Lo tin un mehora-cion riba tereno financiero.

VIRGO 23 Augustus — 22 September



Awe bo lo hanja mas libertad di accion. Busca contactacion cu otro; esey lo ta util. Anochi bo no mester ta muchu activo.

LIBRA 23 September — 22 October



E weekend aki ta mas favorable cu e ultimo dianan pa bo. Bo tin un bon chens pa aumenta bo prestigio y logra algu cerca otronan.

SCORPIO 23 October — 22 November



Awe bo por ricibi un bon notici, of algu favorable lo pasa. Bo huicio ta bira mehor pero bo no mester actua muchu pura ainda.

SAGITARIUS 23 November — 21 December



Paga hopi atencion na bo finanzas comun. Laga otronan paga nan parti den gastonan. Tin secretonan rond di bo.

CAPRICORNUS 22 December — 19 Januari



Acento ta cai actualmente riba bo partner di matrimonio y otronan. Laga nan tuma iniciativa.

ACUARIUS 20 Januari — 18 Februari



Bo plannan por worde stroba pa deberrnan. Busca dibernacion anochi, pero iene cuidao cu exageracion y stupidez.

PISCES 19 Februari — 20 Maart



E weekend ta muestra masha agradabel y activo. Por bini un noticia importante, den asuntunan di amor bo lo mester actua mas correcto.

BUCHI ROBEZ presenta pa cortesia di: PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks, ice-cream y revistas



ga di pone e otro mi ta hanja cu e abogado tin falta pasobra nan mester busca drecchi y no pone beslag a-sina sin busca drecchi, ta un abuso grandi wel awor falta pa e Bruno Ras ey bai cobra mi pension di Lago tino. Pesey comerciantenan pone bon tino riba e nomber aki esia Bruno Ras General Major de Bruinewijk 44 Savaneta, pasobra ami no sa fia ni tuma ningun caminda, masha danki.

BRUNO RAS General Major de Bruinewijk 44. Savaneta, Aruba.